


鄰交徵書

初篇

二

木

リ 5
38
2 4



門知
第38
卷2

隣交徵書初篇卷之二 詩文部

唐 伊藤松貞一輯 男鶴校

唐 送日本使 藤原清河也 玄宗

日下非殊俗 天中嘉會朝 念余懷義遠 矜爾畏途遙 漲海

寬秋月 歸帆駛夕颺 因驚彼君子 王化遠昭昭 按史清

使于唐玄宗見異之及歸贈詩海上遭暴風復入唐改名

河清會安祿山兵起路梗不得歸遂薨彼土天朝矜

死殊域累詔贈位至正二品大日本史 送秘書晁監還日本國 并序 王維 摩詰

舜觀羣后有苗不格 禹會諸侯防風後至 動干戚之舞

唐 卷之二 唐 摩詰

興斧鉞之誅，乃貢九牧之金。始頒五瑞之玉，我開元天
地。天寶聖文神武應運皇帝，大道之行，先天布化。乾元
廣運，涵育無垠。若華爲東道之標，戴勝爲西門之候。豈
甘心於筇杖，非微貢於苞茅。亦由呼韓來朝，舍於蒲萄
之館。昆邪遣使，報以蛟龍之錦。犧牲玉帛，以將厚意。服
食器用，不寶遠物。百神受職，五老告期。况乎戴髮含齒，
得不誓頽屈膝。海東諸國，日本爲大服。聖人之訓，有君
子之風。正朔本乎夏時，衣裳同乎漢制。歷歲方達，繼舊
好於行人。滔天無涯，貢方物於天子。司儀加等，位在王
侯之先。掌次改觀，不居蠻夷之邸。我無爾詐，爾無我虞。

彼以好來，廢關弛禁。上敷文教，虛至實歸。故人民雜居，
往來如市。朝司馬結髮遊聖，負笈辭親。問禮於老聃，學
詩於子夏。魯借車馬，孔丘遂適於宗周。鄭獻縞衣，季札
始通於上國。名成大學，官至客卿。必齊之姜，不歸娶於
高國。在楚猶晉，亦何獨於由余。遊官三年，願以君羹遺
母。不居一國，欲其畫錦。還鄉莊舄，旣顯而思歸。關羽報
恩而終去，於是誓首北闕，裹足東轅。篋命賜之衣，懷敬
問之詔。金簡玉字，傳道經於絕域之人。方鼎彝樽，致分
器於異姓之國。琅琊臺上，廻望龍門。碣石館前，覓然鳥
逝。鯨魚噴浪，則萬里倒廻。鷁首乘雲，則八風卻走。扶桑

若薺鬱島如萍，沃白日而簸三山，浮蒼天而吞九域，黃雀之風動地，黑蜃之氣成雲，森不知其所之，何相思之可寄，嘻去帝鄉之故舊，謁本國之君臣，詠七子之詩，佩兩國之印，快我王度，諭彼蕃臣，三寸猶在，樂毅辭燕而未老，十年在外，信陵歸魏而逾尊，子其行乎，余贈言者，積水不可極，安知滄海東，九州何處遠，萬里若乘空，向國惟看日，歸帆但信風，鰲身映天黑，魚一眼射波紅，鄉國一扶桑外，主人孤島中，別離方異域，音信若一苦為通集。王維

洛中貽朝校書衡

儲光羲

萬國朝天中，東隅道最長，吾一朝生美無度，高駕仕春坊，出

入蓬山裏，逍遙伊水傍，伯鸞遊大學，中夜一相望，落日懸高殿，秋風入洞房，屢言相去遠，不覺生朝光。全唐詩

送日本國聘賀使晁臣卿東歸

包佶 勿正

上才生下國，東海是西隣，九譯蕃君使，千年聖主臣，野情偏得禮，木性本含仁，一真錦帆乘風轉，金裝照地新，孤城開蜃閣，曉日上車輪，早議本一來朝歲，塗山玉帛均，一華。文苑英

送晁補闕歸日本國

趙驛 雲鄉

西掖承休澣，東隅返故林，來稱劔子學，歸是越人吟，馬上秋郊遠，舟中曙海陰，知君懷魏闕，萬里獨搖心。唐詩類苑

哭晁卿衡

李白

日本晁卿辭帝都，征帆一片繞蓬壺。明月不歸沈碧海，白雲秋色滿蒼梧。○晁監，朝衡，晁臣卿，晁補闕，晁卿衡，皆謂阿部仲磨也。靈龜中，年十六，為遣唐留學生，多所該識。玄宗累擢用，及清河歸，同歸遭風，漂安南，復入唐，再仕至國公，遂卒焉。天朝贈正二位。李白集

贈日本僧智藏

劉禹錫 夢得

浮杯萬里過滄溟，徧禮名山適性靈。深夜降龍潭水黑，新秋放鶴野田青。身無彼我那懷土，心會真如不讀經。為問中華學道者，幾人雄猛得寧馨。○唐詩鼓吹

因使日本願謁鑒真和尚，既滅度，不覲尊顏，嗟而述懷。

懷

高鶴林

上方傳佛教，名僧號鑒真。懷藏通隣國，真如轉付民。早嫌

居五濁，寂滅離囂塵。禪院從今古，青松遶塔新。法留千載

住，一斯法名記萬年春。○鑒真，招提寺開祖，天平勝實中

留千載。自唐投化，嘗奉詔，勅戒壇於東大寺。按史，寶龜十年冬，唐人高鶴林與新羅貢調使金蘭孫等俱入朝，是也。鑒真傳

送最澄上人還日本國

并序

吳顥

過忒諸佛，為求法故，或碎身如塵，或捐軀彊虎，嘗聞其說。今觀其人，日本沙門最澄，宿植善根，早知幻影處世，界而不著，等虛空而不凝。於有為而證無為，在煩惱而得解脫。聞中國故大師智顥傳如來心印於天台山，遂賣黃金，涉巨海，不憚滔天之駭浪，不怖映日之驚鼇。外其身而身存，思其法而法得。大哉其求法也，以貞元二

十年九月二十六日，臻於海郡，謁太守陸公，獻金十五兩，築紫斐紙二百張，築紫筆二管，築紫墨四挺，刀子一加，斑組二，火鐵二，加火石八，蘭木九，水精珠一貫。陸公精孔門之奧旨，蘊經國之宏才，清比冰囊，明逾霜月，以紙等九物達於庶使，返金於師。師諱言請，貨金買紙，用書天台止觀，陸公從之。乃命大師門人之裔哲曰：道邃集工寫之，逾月而畢。邃公亦開宗指審焉。最澄忻然瞻仰，作禮而去。三月初吉，遐方景濃，啟新茗以餞行，對春風以送遠。上人還國謁奏，知我唐聖君之御宇也。貞元二年巳日，台州司馬吳顛叙。

重譚越滄溟，來求觀行經。問鄉朝指日，尋路夜看星。得法心愈喜，乘杯體自寧。扶桑一念到，風水豈勞形。

孟孔 台州錄事參軍

往歲來求請，新年受法歸。衆香隨貝葉，一雨濕禪衣。素舸輕翻浪，征帆背落暉。遙知到本國，相見道流稀。

毛洵 台州臨縣令

萬里求文教，王春愴別離。未傳不住相，歸集祖行詩。舉筆論蕃意，焚香問漢儀。莫言滄海濶，杯度自應知。

崔暮 鄉貢進士

一葉來自東，路在滄溟中。遠思日邊國，却逐波上風。問法

言語異傳經文字同何當至本處定作玄門宗

全濟時 廣文館進士

家與扶桑近煙波望不窮來求貝葉偈遠過海龍宮流水隨歸處征帆遠向東相思渺無畔應使夢魂通

行滿 天台沙門

異域鄉音別觀心法性同來時求半偈去罷悟真空貝葉翻經疏歸程大海東何當到本國繼踵大師風

許蘭 天台歸真弟子

道高心轉實德重意唯堅不懼洪波遠中華訪法緣精勤同惠可廣學等彌天歸致扶桑國迎人擁海燭

幻夢 天台僧

却返扶桑路還乘舊葉船上潮看浪日翻浪欲滔天求宿寧逾日雲行詎隔年遠將乾竺法歸去化生緣

林暈 前國子監明經

求獲真乘妙言歸倍有情玄關心地得鄉思日邊生作梵慈雲布浮杯漲海清看看達彼岸長老散花迎 以上九首并序有

誤字不可讀者皆從原本頭戒緣起

馬總 會元

○贈空海 何乃萬里來可非銜其才增學助玄機土人如子稀 ○空海在

唐日作離合詩與僧惟上總見歎賞贈詩云

○同

胡伯崇

毘陵子

說口四句演毘尼、允夫聽者盡歸依、天假吾師多技術、就
中草聖最狂逸。性靈集

送日本國三藏空海上人、朝宗我唐、兼貢方物而歸

海東詩、并序

朱千乘

前試衛尉寺丞

滄海無垠、極不可究、海外緇侶、朝宗我唐、即日本三藏、
空海上人也、能梵書工八體、繕俱舍精三乘、去秋而來、
今春而往、反掌雲水、扶桑夢中、他方異人、故國羅漢、蓋
乎凡聖、不可以測識、亦不可以智知、勾錢相遇、對江問
程、那堪此情、離思增遠、願珍重、願珍重。元和元年春姑洗之月、聊序當

時少留詩云

古貌宛休公、談真說苦空、應傳六祖後、建化鳴夷中、太歲
辭秦闕、今春赴海東、威儀易舊體、文字冠儒宗、留學幽微
旨、玄關護法崇、凌波無際礙、振錫路何窮、水宿鳴金磬、雲
行侍玉童、承恩見明主、偏沐僧家風、

送空海上人朝謁後歸日本國

朱少端

越府鄉直進士

禪客祖州來、中華謁帝回、騰空猶振錫、過海素浮杯、佛法
逢人授、天書到國開、歸程三萬里、後會信悠哉、

奉送日本國使空海上人、橘秀才朝獻後却還

橘秀才

橘、送勢也、延曆中入唐留學

曇靖

沙門

異國桑門客，乘杯望斗星。來朝唐天子，歸譯竺乾經。萬里洪濤白，三春孤鳴青。到宮方奏對，圖像到王庭。

同

鴻漸 沙門

禪居一海隔，鄉路祖州東。到國宜周禮，朝天得僧風。山冥魚梵遠，日正蜃樓空。人至非徐福，何由寄信通。

同

鄭壬 中甫

承化來中國，朝天是外臣。異才誰作侶，孤嶼自為隣。雁塔歸殊域，鯨波涉巨津。他年續僧史，更載一賢人。
○弘法大師正傳

送圓仁三藏歸日本國

棲白

家山臨晚日，海路信歸橈。樹滅渾無岸，風生只在潮。歲窮

程未盡，天末國仍遙。已入閩王夢，香花境外邀。
○圓仁賜慈覺大師

延曆寺僧傳教弟子、承和中遊唐唐詩品彙

贈東海僧

張籍 文昌

別家行萬里，自說過扶餘。學得中州語，能為外國書。與鑿收海藻，持咒取龍魚。更問同來伴，天台幾處居。

送金吾侍御奉使日東

許棠 文化

還鄉兼作使，到日倍榮親。向化雖多國，如公有幾人。孤山無返照，積水合蒼旻。膝下知難住，金章已繫身。
○全唐詩

送金文學還日本 東

沈頌

君家東海東，君去因秋風。漫漫指鄉路，悠悠如夢中。煙霧

積孤島波濤連大空，冒險當不懼。皇恩措爾躬。文苑英華

送朴克侍御歸海東

張喬

天涯離二紀，闕下歷三朝。漲海雖然濶，歸帆不覺遙。驚波時失侶，舉火夜相招。來往尋遺事，秦皇有斷橋。全唐詩

送朴山人歸日本

無可

海際晚帆開，應無鄉信催。水從荒外積，人指日邊迴。望國乘風久，浮天絕島來。儻因華夏使，書禮一札轉悠哉。

送王中丞使日本

曹松 夢徵

辭天理玉簪，揆日使雞林。獨有中華戀，方同積浪深。張帆度鯨口，銜命見臣心。渥澤遐宜後，歸期抵萬金。文苑英華

送僧歸日本

齊己

日東來向日西遊，一鉢間尋徧九州。却意雞林本師寺，欲歸還待海風秋。我邦無金朴二姓，是韓之著姓也。因疑金文，學朴山人等，必韓人矣。頃閱全唐詩

有馬戴送朴山人歸新羅詩，且曹松齊己詩，題稱日本，而詩中用雞林之字，按當時韓屬我，故或稱日本乎，其餘題書日東海東東海者，不必似我邦事，讀者宜考。白蓮集

送僧歸日本

貫休 德隱

焚香祝海靈，開眼夢中行。得達即便是，無生可作輕。流黃山火著，碇石索雷鳴。想到夷王禮，還為上寺迎。有僧遊日本，云彼祇

有三寺，上寺名兜率，國王供養，中寺名倂士，上極品，官人供養，下寺名祇上寺，風俗供養，有德行，即漸遷上也。○官人

贈日東鑒禪師

司空圖 表聖

故國無心渡海潮，老禪方丈倚中條。夜深雨絕松堂靜，一

點飛山螢照寂寥。一為鄭谷詩，文苑英華

送日本僧敬龍歸

韋莊 端已

扶桑已在渺茫中，家在扶桑東更東。此去與師誰共到，一

舡明月一帆風。晚唐詩選

宋

日本刀歌

歐陽脩

昆夷道遠不復通，世傳切玉誰能窮。寶刀近出日本國，越

賈得之滄海東。魚皮裝貼香木鞘，黃白間雜鍔與銅。真鍔似金

真銅似銀，百金傳入好事手，佩服可以攘妖凶。傳聞其國居大

島，土壤沃饒風俗好。其先徐福詐秦民，採藥淹留壯童老。

百工五種與之居，至今器玩皆精巧。前朝貢獻屢往來，士

人往往工詞藻。徐福行時書未焚，逸書百篇今尚存。令嚴

不許傳中國，舉世無人識古文。先王大典藏夷貊，蒼波浩

蕩無通津。令人感激坐流涕，鏞澀短刀何足云。歐陽全集

贈日本國僧祥符中日本僧寂照來朝後求禮天台善書迹習二王而不習華言但以筆札通意時長兄為天台宰中令以書導之兼贈詩云

王洙

滄波泛瓶錫幾日到天朝鄉信日邊斷歸程海面遙秋泉吟裡落霜葉定中飄為愛華風好扶桑夢自消天台霞標

送僧還日本

鍾唐傑

上人海東秀才華衆推優學道慕中國於焉一來遊武林忽相遇鍼芬意頗投儒道雖云異詩酒喜共酬况茲古名郡佳麗罕與儔湖山快唵覽勝跡恒追求合併惜未久又理東歸舟揚颿渡鯨浪帖帖如安流慙慙不忍別繾綣難

為留臨風極遐睇目斷扶桑阪他時托芳宇還能寄余不

又

竇從周

榜人理行艫日出江水平扶桑渺何許萬里浮滄溟上人國之彥夙悟最上乘慕此中華風一錫車游行名山與奧谷足跡已徧經日予處闕闐幸矣識韓荆論詩坐終日問法天花零相得臭味同藹藹芝蘭馨豈比錢刀徒市利紛以營去去須臾間何以展我情江草色萋萋江花亦冥冥浮雲聚復散不能常合并小竹曰右二詩我家藏其真蹟未知僧為誰耳鍾袁州萍鄉人竇丹陽皆朱子弟子云真書浪華篠崎氏藏

拜瓦屋塔

勾令玄居士

大空無盡劫為塵，玄步孤高物外人。日本國來尋彼岸，洞山林下過迷津。流流法乳誰無分了，了教知我最親。一百六十三歲後，方於此塔葬全身。按高僧傳能光字瓦屋山，价禪師，天復初遊蜀，永泰軍節度使祿虔，把其道貌，捨碧雞坊宅為禪院，請光而居，僧俗嚮化，大振禪風，以後梁長康，年未遷化，壽一百六十三，本朝高僧傳。

天神二首

師範

天下梅花主，扶桑文字祖。這个正法眼，雲門答道普。菅君本不假，几胎直自靈山會上來。五百年間無識者，扶桑佛法一枝梅。世有渡唐天神像，衣冠擬唐，手把梅枝，腰佩小囊，肅然正立，傳云：聖一在承天寺，日神來問法，曰：有吾師無準在宋徑山，請神參之，他日又來告曰：已參得法，因有此像，事頗不經，然元明亦有天滿

宮詩，故姑錄備博覽，所佩囊蓋詩囊也云。天授院古寫本。

與榮西

懷敬

不露鋒銳意，已彰揚眉早。墮識情鄉，著衣喫飯自成現。打瓦鑽龜空着忙，若信師姑元女子，無疑日本即南唐。一天月色澄江上，底意分明不覆藏。靈洞院古寫本。

送圓爾上人歸日本

道瑀

興盡心空轉海東，定應赤手展家風。報言日本真天子，且喜揚岐正脉通。按聖一年譜，仁治二年，辭佛鑑，諸友作頌送者二十人，今不盡見。聖一年譜。

送日本爾侍者

紹曇 希叟

徑山無法與人傳，幾度親遭劈面拳。今日大唐回首去，鼻

頭元在口皮邊。貞和集

○和靜照詩韻。靜照詩曰：崎嶇得為煎茶，五百聲

聞出晚霞三拜起來開夢眼，方知法法

總空花，瀑飛雙澗雷聲急，雲斂千峯金殿

日轂陞邊不計程，轉頭已是隔重溟。更遭尊者相勾引，瀑

搗飛梁夢未醒。

諸方門戶總經過，惱亂春風有幾多。今日蒸雲重覩對，絲

毫不隔最諳訛。

○同

普度 虛舟

汲來崖瀑煮新茶，紫玉甌中現瑞霞。到此豁然如夢覺，一

天踈雨濕秋花。

礪邊雲冷裊蒼苔，木杪金燈午夜開。更問曇猷在何許，分

明猶隔海門來。

○同

普濟 時翁

各逞神通現瑞茶，非雲非雪亦非霞。夢中說夢非見見，報

道從來眼不花。

半千尊者眼如眉，一一從頭為點開。踏斷石橋成兩段，方

知親過一回來。

○同

妙弘 截流

莫辭迢遞供盃茶，香噴雲腴映彩霞。雨雨夢中休說夢，覺

來渾是夢中花

尋幽覓勝到天台，觸目風光剪剪開。欲問曇猷舊遺跡，千

山排闥送青來。靜照字無象，蓋法海淨智寺僧，建長中遊宋，嗣法石溪，嘗上天台為茶供，作二偈。

同和者四十餘人，照自書為一小卷，今載四人，臨本。

日本照禪者欲得數字，徑以述懷贈之。

智愚 虛堂

世路多巖嶮，無思不研窮。平生見諸老，今日自成翁。認字

眼猶統，過譚耳尚聾。任天行直道，休問馬牛風。此書二人

爭買，竟破之，因俗曰破虛堂書。真書雲藩藏。

送日本南浦知客

全

敲磕門庭細揣摩，路頭盡處再經過。明明說與虛堂叟，東

海兒孫日轉多。明知客自發明後，欲告歸日本，尋照知客通首座，源長老聚頭，說龍峯會裏家私，袖

紙求法語，老僧今年八十三，無力思索，作一偈以書行色，萬里水程，以道珍衛，咸淳丁卯秋，住大唐徑山智愚書于不動軒。虛堂錄。

送南浦明公歸日本

惟俊

空手東來已十霜，依然空手口回樞。明明一片祖師意，莫

作唐朝事舉揚。

同

道東

十幅蒲帆萬里風，來無蹤跡去還同。擡眸錯認雲山處，人

在水天一色中。同時送者四十三人，後世僧一白梓行，今載二人，一帆風。

日本覺心禪人遠來炷香請益求語迅筆贈之

慧開 無門

心即是佛佛即心心佛元同亘古今覺悟古今心是佛不

須向外別追尋御前護國禪寺開山選德殿賜對佛眼慧開書

人至收書知得心座元安樂蒙惠數珠水晶者金重

十二錢一收訖山偈奉贈 全

百八摩尼顆顆圓遼天鼻孔一齊穿恒河砂數佛菩薩每

日呼來跳一圈覺心字心地蓋法燈國師紀伊興國寺開祖建長中入宋嗣法無門法燈年譜

送日本俊上人 了惠

鉢盂捧入大唐來飯裏無端咬著砂一粒砂藏諸國土方

知寸步不離家貞和集載此詩為竺元之作西巖錄

送空維那 行鞏 石林

十載中原一棹還碧琉璃外更無山扣舷三下知誰會自

作吳音唱月彎順空字藏山謚圓鑑聖一法嗣東福寺僧嘗遊宋石林錄

寄日本相模平將軍 心月 石溪

徑山收得江西信藏在山中五百年轉送相模賢太守不

煩點破任天然平將軍蓋北條時宗也貞和集

○句 蘇轍 子由

扇是日本扇風非日本風

○句和藤原為時韻為時詩曰去國三年孤館月歸程萬里片帆風 姜世昌

臨文徵書初篇 卷之二

畫鼓雷奔天不雨，絲旗雲聳地生風。按宋史日本傳咸平五年建州海賈周

世昌遣風飄至日本凡七年得還與其國人滕木吉至上

皆召見之世昌以其國人唱和詩來上姜世昌周世昌蓋

同人當時為時為越前守蓋世昌飄至

越前敦賀而從遊乎活所備忘錄

○句所贈 楊億 大年

身隨客槎遠心與海鷗親。揚文公談苑

元 元賊謀取日本二絕 鄭思肖

涉險應難得命歸倭中風土素蠻頑縱饒航海數百萬不

直龍王一怒間

其二

海外東夷數萬程無讐於韃亦生噴此番去者皆含怨試

看他時秦滅秦

元 元韃攻日本敗北歌 全

日本即古倭也地在海東先朝嘗入貢許通商旅彼近

知大宋失國舉國茹素元賊聞其富庶怒倭主不來臣

學本堂藏

竭此土民力辨舟艦往攻焉欲空其國所在而歸辛卯六月半元賊由四明下海大船七千隻至七月半抵倭口白骨山築土城駐兵對壘晦日大風雨作雹大如拳船爲大浪掀播沈壞韃軍半沒於海船僅迴四百餘隻二十萬人在白骨山上無船渡歸爲倭人盡勦山上素無人居唯多巨蛇相傳唐東征軍士咸隕命此山故曰白骨山又曰枯髑山元賊又一道自高麗往攻倭敗尤甚虜酋敗歸幾遭虜主所殺並罰陪金銀鈔物咸窘且怒虜主又謀復舉攻之耽羅國方八百里航倭甚近韃已奪據其國運糧調兵于彼爲餉衆窺倭之地倭有五

十六州倭兵悉聚太宰府倭圖載甚詳倭人狠不懼死十人遇百人亦戰不勝俱死不戰死歸亦爲倭主所殺倭婦甚烈不可犯幼歲取犀角剉小珠種額上善水不溺倭刀極利地高嶮難入可爲戰守計且今漳州陳弔眼據漳已久地通諸山洞山寨八十餘所據險相維內可出外不可入以一當百勦韃難算意欲攻出未能年號昌泰未知擁誰爲主元賊力攻漳不可得又韃攻倭倭攻韃卒未已大德一脉終如何諸處仗義出者咸有之然恐藉大宋之名鼓舞人心實私爲一己之謀圖集事功此微臣朝夕不已于懷者也我朝列聖無失德大

宋有道之長當粲然復興矣公孫述隗囂輩燭火也寧敵漢日之大明乎我又夢蘇武與語頗奇遂歌之

東方九夷倭一爾海水截界自區宇地形廣長數千里風俗好佛頗富庶土產甚夥并產馬舶來中國通商旅徐福廟前秦月寒倭有徐福廟猶怨舊時嬴政苦即今犬羊貪猶熾瞠目東望心如虎驅兵駕海氣吞空勢力雖彊天弗與鬼吹黑潮播海翻電大於拳密於雨七千巨艦百萬兵老龍怒取歸水府犬羊發怒與天敵又謀竭力必於取已剗江南民髓乾又行併戶抽丁語凶燄燒眼口竟啞志士悶悶病如蠱雖傳漳州氣燄盛又聞襄陽已大舉割據固足稍

伸氣律以大義竟何補縱遇聖明過堯舜畢竟不是親父母千語萬語只一語還我大宋舊疆土曾夢蘇武開笑口云牧羝羊今盡乳仗節還漢欣欣然鬚髮盡白心如故一念精烈無不通天地為賓我為主高懸白眼混沌前那肯以命落塵土翻身鼓掌一笑時萬古萬古萬萬古鄭思肖宋遺民也字憶翁號所南皆寓慕宋之意也嘗畫露根蘭謂人曰土為韃韋去自像贊曰不忠可誅不孝可斬其忱慨如是見元兵敗於我而歸欣然賦詩可謂藉手於人遺憤者也鐵函心史

嘆大元伐樹木頌 覺恩 斷江

萬木森森截盡時青山無處不傷悲斧斤若到耶溪上留箇長松啼子規傳云此詩元欲冠我邦而伐材備艦時作也貞和集

送畊存大參使日本

陳深子微

陸賈初馳詔，終軍已請纓。上方顓委任，南國誦威名。挂席鵬風順，敲舷蚌月明。陽侯應拱護，不遣海濤驚。

送秀巖山人歸日本

成廷珪原常

廿年中國遊方遍，看水看山念念非。海眼枯時千劫壞，日頭翻處一僧歸。黃梅雨打袈裟濕，白蜃雲隨錫杖飛。富山麓前留語在，庭松西長舊禪扉。元詩選

送日東祖上人

虞集伯生

幽鳥銜花社雨前，題詩又送祖東傳。紅塵不染雲中履，白月還尋海上船。婆竭宮深留杖錫，楞伽峯迴接諸天。忞堂

寂寞香山老，莫說聞名到日邊。

岱宗歌為日本僧齊嶽賦

道原宗衍

上人家住日本東，何從字之云岱宗。得非王化大無外，海水不隔車書同。爾來求我誦我歌，爾勿喧海內有五岳。五岳岱宗稱獨尊，黃河西來小如帶。氣勢直欲無崑崙，金鳥出沒見日觀。玉女下上從天門，其神乃是上帝之元孫。粵誓祀事無乃自太古，舜柴二壇禹封土。長松五樹笑秦皇，巨柏十圍嗟漢武。後來有國循舊章，或僭或侈不足當。供惟皇元有萬方，道邁五帝超三王。爾名岱宗來遠荒，豈不有意瞻天光。東封之符爾其祥，勒銘紀功何煌煌。百神授

醫文衛書補卷之二
卷之二
學不堂藏

社致時康吁嗟化風及扶桑。○碧山集

大岳贈日本積首座

梵碕

除却須彌山總小，只消芥子都吞了。與他拈起一微塵，富
士嵯峨接蓬島。中國岱衡華霍嵩，寶刀削出青芙蓉。回光
返照方寸裏，積塊浮漚三界中。捏不聚吹不碎，是何物在
乾坤外。臨崖望海海茫茫，觸石起雲雲隊隊。○妙積字大
岳，圓覺寺僧。

桂巖贈日本淨居月長老

全

月中桂子飄巖幽，長成一樹三千秋。秋風吹開枝上花，花
所及處清香浮。月公本是管公裔，道譽之香塞天地。金粟

如來夢幻身，不須更受菩薩記。○楚石錄

示日本春禪人三首

智及愚菴

少林春色徧遐荒，不隔扶桑與大唐。三并起來依位立，無
端好肉自剜瘡。

扶桑人種陝西田，打着南邊動北邊。踏徧支那知落處，阿
難依舊世尊前。

叅禪只要了心地，欲覓了時無了時。未跨船舷三十楫，老
僧失却一莖眉。○愚菴錄

○和明投韻。○明投詩曰：吾師昔日見徐郎，恩怨重重
不可忘。屋裏多年陳莧菜，堪傷鹽酢壞人
腸。

○古鏡堂

鰲山成道說曾郎萬里南來志莫忘的是徐園真種草未
曾開口見心腸明投無開法嗣嘗遊元見古于南屏古
詰曰汝師關受衣於斷橋而復嗣聖一如

○送友梅

清茂 古林

道人海外來歷涉幾難阻不唯凌驚濤益遭世網苦脫身
萬死中尅志在佛祖有如百煉金遠指色可觀玄機歷落
如轉丸迅手展托胡為難萬人叢中獨穎拔一鏃解破三
重關重來兩臉鐵色黑欲話三生緣未得茶甌放下便言
歸為省慈親走匍匐床頭主丈不假舉一句臨岐聽吾語
水宿風凜宜善為扶桑夜半金烏飛友梅字雪村號幻
空又號寶覺真空一

山法嗣住建仁寺年十八遊元時彼與我有贊邦人在彼
地者皆執斬之梅獨誦偈於及下獲免云雪村行道記

送珠藏主廻海東

全

沒蹤跡處露堂堂合浦珠還發耿光海底珊瑚枝爛爛嶺
頭無影樹蒼蒼人皆行脚途中覓誰肯將身比斗藏昨夜
海雲師發笑一輪紅日上樽桑全珠正中與中巖入
元參諸名宿貞和集

贈日本義上人

元長 千巖

萬里鯨波一策遊萬峯頂上泊孤舟夜深來下蒼龍窟不
奪驪首死不休

送日本透侍者

全

明得已躬生死事祖師公案透何難拈來一隻蓬蒿箭射

入千山與萬山。千巖錄

寄中巖

德輝 東陽

大雄峰頂寬憎會、大罵分離不計年、近日人從海東到、前秋書向陝西傳、陽昇大地無偏照、月至中天分外圓、萬里由來同咫尺、杖林山下竹筋鞭、

中巖書記自雄峯來訪余、湫上出示行藁、因得擊節盡讀、茲其還千尺山中、也輒奉和首篇、以寫盛藏之意、

中巖詩曰：蟬步先聞窗外竹、夢敲寒枕響疎疎、紅難宿處知灰死、白易生時覺室虛、群玉府開通遠近、假銀城賣莫來除、高樓厭厭誰知冷、肯管寒江獨釣魚、宗廓 拙述

讀盡汗牛充棟書、道情純熟世情疎、希蹤積翠質而野、方

駕鐔津實若虛、靈境山河居掌握、玄兔滄海在庭除、上方

孤絕遊人少、冷眼庸庸竭澤漁、至順庚午中秋前五日、拜書于東菴之挹翠樓。中

巖名圓月、蓋佛種惠濟、利根吉祥寺開祖、正中中遊元、嗣法東陽、東海一漚集

寄日本清拙 三首

正印

阿耨達池請佛齋、長眉老僧預其數、貪看龍女手中珠、失却隨身主文子、

滄海無風浪拍天、幾回眼見變桑田、修羅採花釀為酒、醉倒文殊與普賢、

蠱家滴水投海東、蝦蟇魚龍盡縮頭、黑漆潭崙開口笑、六鼈吞餌不吞鉤、

同

德真 龍岩

聞訊建長千衆師、師門且喜大興時、路遙不預聽徒列、莫惜嘉音慰所思。貞和集

題禪居法語後

正印

父在東兮子在西、只將此事力提撕、巨靈擡手無多子、攀折扶桑那一枝。至正三年癸未暮春前節峯松月比丘正印敬題。大鑑錄

天滿宮

薩天錫

無常說法現神通、千里飛梅一夜松、萬事夢醒雲吐月、觀音寺裡一聲鐘。薩天錫雜詩

明

○送祖闡克勤二師使日本

宗泐

帝德廣如天、聖化無遠邇、重譯海外國、貢獻日貲委、維彼日本王、獨遣沙門至、寶刀與名馬、用致臣服意、天子欽其衷、復命重乃事、由彼尚佛乘、亦以僧爲使、仲猷知心宗、無逸寫經義、二使當此任、才力智餘地、朝辭閭闔門、夕宿蛟川溪、鉅艦揚獨帆、長風天萬里、如鯨不敢驕、馮夷效驅使、滄茫熊野山、一髮青雲際、王臣聞詔來、郊迎舉欣喜、時則揚帝命、次乃談佛理、中國師法尊、遠人所崇禮、况茲將命行、孰有重於此、海天渺無涯、相念情何已、去去善自持、願

言慎終始

○賜和

太祖

嘗聞古帝王同仁無遐邇蠻貊盡來賓我今使臣委仲猷
通洪玄倭夷當往至於善導凶人不負西來意爾僧使遠
方毋得多生事入爲佛弟子出爲我朝使珍重浦泉經勿
失君臣義此行非瀚海一忒萬里地既辭釋迦門日日宿
海涘艤艫掛飛颿天風駕萬里平心勿憂驚自然天之使
休問海茫茫直是尋相際請彼佛放光倭民大欣喜行止
必端方毋失經之理入國有齊時齊畢還施禮是法皆平
等語言休彼此盡善化頑心了畢纔方已歸來爲拂塵見

終又見始。○籌海圖編

恭跋御製詩後

宋濂

釋門宏勝無理不該無事不攝其於忠君愛物之心亦
甚懸懸凡可以致力雖身命將棄之况其餘者乎人徒
見其厭離生死輒指爲寂滅之行嗚呼此特見其小乘
者爾吾佛之爲教豈至是哉天寧禪師祖闡仲猷以高
行僧召至南京會朝庭將遣使日本詔祖闡與克勤俱
祖闡不憚鯨波之險毅然請行上壯之賜以法器禪衣
之屬令太官進饌饗於武樓下且諭其國敬浮屠宜以
善道行化時天界禪師宗泐嘗賦詩餞之其詩上徹御

覽遂俯賜和荅詩凡一十八韻首言王化無遠邇一視同仁次言宜誘以善道庶契西來祖意次言經涉海洋雖甚難險君臣大義毋忘次言以平等法行之無有彼此之異末言使畢言旋方盡始終之義其叮寧反覆之意不亦至哉祖闡受命而行自翁洲啓權五日至其國境又踰月始入王都館於洛陽西山精舍一遵聖訓敷演正法無非約之於善聽者聳愕以爲中華之禪伯亟白於王請主天龍禪寺寺乃夢窻國師道場實名利也祖闡以無上命力辭之且申布威德罔間內外所以遣使者來之意王悅命總州太守聞溪宣同僧淨業等奉

方物稱臣來貢祖闡既入覲天顏怡悅賜白金壹伯兩文綺二縑祖闡以謂遭逢盛際躬承光寵不可無以示後裔乃粉黃金爲泥書上賜和詩成卷勒其副名山屬濂識其事於左古之帝王寵賚方外之士固不敢謂無之而鮮以天章賁飾之者今祖闡之逢可謂優鉢曇花千年一現者矣其東旋也將見五色天光炬赫於龍山之上晶晶熒熒直燭霄漢飛潛動植皆與有榮耀焉抑濂聞普覺杲公昔處浮屠中而念君愛物之念皦如出日張魏公稱其非聲聞獨覺私厭死生者比人至今言之祖闡固普覺諸孫也其出將使指不辱君命後人慕

醫文律書初篇 卷之二 九五 學本堂藏

化替首來庭，豈樂寂滅者可冀其萬一哉。宜其簡在上心，而褒嘉之命屢下也。濂不佞，忝居法從，故不辭而為之書。上以昭帝德之廣被，下以白釋氏之有良材云。宋。

文憲公護法錄

○和絕海韻。絕海詩曰：熊野峯前徐福祠，滿山藥草雨餘肥。只今海上波濤穩，萬里好風須早歸。太祖

熊野峯高血食祠，松根琥珀也應肥。昔時年一當徐福求仙藥，直到如今竟更一不歸。熊野徐福之來我邦固無確據祠在鹿苑絕海和尚曩遊中華卓錫于龍河時當大明洪武九年春也太祖高皇帝召見英武樓顧問海邦遺

跡熊野古祠，勅令賦詩。欣蒙賜和，未幾東還。寶藏琛護，積有年矣。□□壬午秋，余使日本國，一見萬年山中，沐以舊遊為懷，數相詢慰。一日捧示御製詩軸，幸獲欽覽，既而徵次嚴韻，執筆未敢辭固弗容，謹拜頌首書其末云。

道彝天倫

採藥秦人舊有祠，春風幾見木苗肥。老禪曾到中華國，御筆題詩賜遠歸。

□如一菴

掛錫龍河古佛祠，一生高潔厭輕肥。賦詩召入金鑾殿，携得天香滿袖歸。○二使建文使也應永九年來蕉堅稿

學本堂藏

賦日東曲十首

問海上僧僧多不能答時辛酉冬十月也

其一

宋濂

伊水西流曲似環宮闕遠映龜龍山六十六州王一姓千

年猶效漢衣冠

日本自古唯一姓王姓藤氏史則云王氏

其二

藤橘源平族四家連城甲第競豪華治書省內多官使黃

牒紛紛簇五花

藤橘源平國中四大姓治書省乃官署名有尚書侍郎郎中主事及鴻臚卿丞之屬

其印文曰太政官印

其三

絕八層霄富士岩蟠根直壓三州間六月雪花翻素毳何

處深林覓白鷗

富士國中最高山六月山上有雪三州謂豆駿相也

其四

紅雲起處是蓬瀛十二樓臺白玉京不知秦世童男女還

有兒孫跨鶴行

其五

天皇大人洩秘寶八角垂芒貫斗樞青牛不渡大洋海莫

怪無人識道書

國中無道去

其六

玉環妖血污寰中豈有靈祠祀鬼雄莫是仙山真縹緲雪

膚花貌主珠宮

國有揚貴妃祠

其七

佛龍當時談妙法，一道紅光射海東。至今顯密二宗學，長

伴扶桑出日紅。

天台智者有時有傳教弘法二師來受顯密二教而去至今國中盛行

其八

竺門三典巧緘題，有氣橫空若彩霓。梵唄動時花氣暖，一

齊盡看黑伽黎。

三典謂禪教律之文也國中悉有之

其九

無客持刀來厭虎，有僧擊鉢學呼龍。固知異域山川異，祇

把鯨波限四封。

其國無虎或云無羊驢

其十

中土圖書盡購刊，一時文物故斑斑。祇因讀者多顛倒，莫

使遺文在不刪。

其國但購得諸書悉官刊之字與此間同但讀之者語言絕異又必侏離順文讀下

復逆讀而上始為句所以文義雖通而其為文終不能精暢也。詩中所使事實多謬傳今不細辨碎解。羅山集

贈僧還日本

張羽來儀

杖錫總隨緣，鄉山在日邊。遍參東土法，頓悟上乘禪。咒水

龍歸鉢，翻經浪避船。本來無去住，相別莫潜然。

明詩別裁

遊樓雲湖禪室贈日東圭上人得心字

林鴻子羽

東海到來日，西川始布金。構雲天路上，標月夜湖心。問偈

逢樵客，忘機狎野禽。寥寥塵想絕，相對坐禪陰。

列朝詩集

為絕海畫并賦

惠鑑 仲銘

思鄉求畫海，白晝看雲眠。五字照秋水，三衣護夜禪。壁空唯掛錫，榻破獨存壇。千載巖頭柱，旁枝向日邊。○蕉堅稿

題日本僧雲山千里圖

張以寧

天東日出天西入，萬里虬鱗散原隰。日東之僧渡海來，袖裏江山雲氣濕。願乘雲氣朝帝鄉，大千世界觀毫芒。却騎黃鵠過三島，別後扶桑枝葉老。○題畫詩類

○與一慶

道彝

十二年前蚤出家，因緣傳得祖袈裟。黃梅夜半曾分付，把住無容失左車。○一慶字雲章，東福寺僧，明使道彝見奇之，時年十七。雲章行狀

玄理曩於前朝至元庚辰歲先師東陽大和尚進謝

清規表至金陵舟中言朝京有日本月中巖書記在

百丈我會中辨事其人聰辯過人携之偕行所至有

題夸美佳作甚多今祇記得通州蚤行一詩云黃牛肥健

短轅輕葛袂風清坡月明行盡柳陰三十里通州城外聽雞鳴別來倒指已三十六

年矣後聞開化大利師門不至寂寥茲因聞溪上人

回朝便敬借前韻述二首奉呈聊信弟兄拳拳嚮慕

之意云

玄理

我師觀帝事非輕，重整清規翊聖明。當日侍行觀上國，羨兄酬唱以詩鳴。

鯨濤來往片帆輕，慧日高懸海國明。消息遙傳天上使，關河雪盡鴈初鳴。
前住靈隱法弟比丘玄理，載并建長堂上。中巖法兄和尚禪師，洪武乙卯歲正月燈夕，書于普慈方丈西軒。東海一漚集。

空華室歌為義堂禪師作

宗泐

空華無蒂從何生，目前裸殞森從衡。得非目眚華乃成，幻起幻滅無實相。道人空華榜其室，應知此室終非實。幻成幻住，幻壞空與彼空華體元一。豈獨此室如空華，是身世界曾不差。涅槃生死亦復爾，聖名凡號寧堪誇。道人燕坐此室內，一心廓爾空三際。手握寶劍金剛王，擊著須彌成粉碎。空本空兮華本無，趙州壁上懸胡盧。篆烟半銷月在

牖，寥寥永夜棲團蒲。
洪武九年，蒼龍在丙辰春二月五日己丑，龍河傳法正宗堂之東軒書。全室叟宗泐識。義堂名周信，住南禪寺，初空華室，今已墟矣。空華集。

白牛為日本純上人

來復

畊雲不住海門東，牧向楞伽小朶峰。露地已忘調伏力，雪山誰識去來蹤。放歸祇樹隨羊鹿，種就曇花伴象龍。一色天闌頭角別，水晶池沼玉芙蓉。

送日本希白上人禮祖塔之金華 全

天香吹滿屈胸衣，幾度承宣到鳳池。梵語傳來西竺戒，華音吟得大唐詩。樹間遶佛長鳴錫，洞裏逢仙不著綦。無縫塔開瞻舍利，千江月映碧琉璃。

吞碧樓 在日本九州

清楚 蘭江

九州城曲樓三層披襟御氣歡吾登窗開曉色拂桑樹簾
捲夜光橫玉繩上頭端堪謁紫府下面更可窺玄廷天帝
垂衣日杲杲海龍德卧雲冥冥方壺三神指顧裏渤澥百
谷琉璃明栖身飲露老亦足理亂黜陟無關情時聽玉管
鸞鳳鳴。列朝詩集

戊申夏四月余自博多至高瀨將附海航歸湘西適
與要關上人會于永樂蘭若遂相共周旋者數日斯
文之誼雅可尚也且言相州錦屏山水之秀并索余
賦之因想像其勝作四韵一首併簡義堂禪師因發

一晒

陸仁

日本諸山秀可觀錦屏尤是好峯巒乾坤一覽無餘界雲
霧長連十八盤瀑瀉巖前明似練葉飛谷口渥如丹幾時
絕頂探奇一作亮幽勝試向危亭共倚欄。陸仁字元良號雪樵蘇州教授避亂來

題瑞泉一覽亭

在相模夢窓所創今已墟矣

旭元明

欄干縹緲錦峯頭塊視三山與十洲翠玉一峯知華岳青
煙九點見齊州無窮雲接蒼梧晚不盡波涵碧海秋便欲
題詩招李白御風騎氣共仙遊。日工集

建長明南浦四會錄

智及 愚菴

蟪蛄眼裏五須彌，靠倒虛堂老古錐。四會博桑熾然說，曾無一字挂唇皮。洪武三年歲在庚戌佛制日，雙徑山住智及并題。大應錄。

日本廬山天台講寺照琛侍者奉王命來覲天朝，被寵賚還國，道經靈山，以字見請，予字之曰大用，期為吾宗之闡法人也。就書偈以策進。唯實。

拾得自身無價寶，纒纒降雨不須求。世間琛貝都難並，倒用橫拈得自由。右竺住山惟菴唯實，永樂二年春正月十日書。真書廬山寺藏。

贈了菴歸國

盧希玉

明發行囊曉拂塵，豈辭霜鬢苦吟身。調高不是陽關唱，杯泛何妨麴米春。水闊帆飛風力順，華紅葉綠雁聲頻。至家

解知詩笥重，為報賢王謝紫宸。

廣平府知府前都給事中，九十叟月湖盧希玉。真

書、崇蘭館藏。

日本了菴禪師，膺使命來我皇明館于姑蘇，幾半載。凡士大夫之相與者，無不敬且重焉。以其齒德既高，口學亦稱是故耳。昔王摩詰所謂色空無得而不物，物語默無際而不言言者，似為今日禪師道也。予接遇日久，因賦二詩以贈，一以詠號，一以送行云。

楊端夫

撥開雲霧靈臺港，著盡工夫豈憚勞。六鑿已空無箇事，一身天地自逍遙。

文采飄然語意真，聖朝尤重老成人。明朝授節歸東國，會見賢王眷顧頻。正德七年四月望日，姚江楊端夫稿。真書，平安浦井氏藏。

送日域正使湖心尊宿歸國

方梅厓 伯行

四海使臣不但君，惟君懿行獨超倫。一言已悟瞿曇秘，方寸能參聖諦真。表納天朝蒙寵異，帆懸江國通口津。他年月白興思處，應念雲翁亦故人。湖心公，來王而寓四明，故予得領其清論，乃謂古釋

如大顛文暢焉，能過之，茲將分袂，可無言乎？因書以識。是云嘉靖辛丑夏，雲關翁梅厓書。湖心，名頤賢，字碩鼎，明史日本傳云：嘉靖十八年七月，義晴貢使至寧波。云、明年二月貢使碩鼎等至京，是也。三脚稿。

醉次朝使謙齋公賞牡丹詩韻

仝

翰灑淋漓興未終，笑觀魏紫發花叢。狂來欲罄三千盞，怪

少清歌一點紅

見留佳製，酣餘步武大可愧也，呈以見醜。史日本傳云：嘉靖二十七年六月，周良復來貢，是也。真書，鳴瀑妙光寺藏。

送人奉使日本

王恭 安中

扶桑東海際，望望水雲深。曉月都門淚，秋風別使心。魚龍驚漢節，獠蜃貢南琛。且復勤王去，歸朝登賜金。

荅日本使

姓橘，名省佐，相國寺僧。

祝允明 希哲

日邊來處幾何時，聞說占申復到寅。海船行，憑指南鍼，日本在寅，由南折西，指申却迴還，道寅乃夷。遙仰北辰趨帝座，卻經南甸駐行麾。詩名愧動雞林客，禪諦欣參鷲嶺師。回首山川渾渺邈，只看

明月慰相思

枝山集

彦九郎還日本作詩餞之座間走筆甚不工也

唐寅伯虎

萍跡兩度到中華歸國憑將踐歷誇劍珮丁年朝帝辰星
辰午夜拂仙槎驪歌送別三年客鯨海遄征萬里家此行
倘有重來便煩折琅玕一朶花

正德七年壬申仲夏望日姑蘇唐寅書。真書姬藩

河合氏藏

予養病林下杜門不出幾二十年偶逢日本詩人金子亞持其述懷之作來見因隨韻答之詞媿不工觀者其莫諂焉

金湜本清

遙捧丹心上柁樓征帆開處即天遊喜逢雨露千年會頓

息風波萬里愁浩蕩襟懷真自得縱橫詩句許誰儔明朝

擬進朝京路未許歸期戀海鷗

成化二十年七月既望朽木居士四明金湜書于南

湖之守泉亭。真書平安須靜堂藏

日東雲谷長老冲淡人也能詩兼畫而性無所嗜成
化丁亥陪貢至鄞予獲與之交情頗意恰歡若平生
居無何言旋言歸懷不能舍遂賦拙作五十八字以
道別意伏希咲覽

徐璉希賢

家住蓬萊弱水灣丰姿瀟灑出塵寰久聞詩賦超方外賸
有丹青落世間鷲嶺千層飛錫去鯨波萬里踏杯還懸知
別後相思處月在中天雲在山

成化五年歲次己丑仲夏下幹四明徐璉希賢書。

隱文符書不篇 卷之二 學本堂藏

等揚字雪舟號備溪又號米元山主春林法嗣居周防雲谷寺寬正中遊明真書尾張拓植氏藏

○題雪舟畫芙蓉峯圖 詹僖

巨嶂稜層鎮海涯扶桑堪作上天梯巖寒六月常留雪勢似青蓮直過氏名利雲連清建古虛堂塵遠老禪栖乘風吾欲東遊去特到松原竊羽衣。真書肥藩藏

奉贈日本山科實如老上人 全

上人德行是問何一箇禪門大丈夫心裏要容天外善此生渾似竹中虛。大明正德八年五月杭州鐵冠道人詹仲和真書本願寺藏

題竹居清事後 張式之

馨公偶帶竹居集添得梅船萬丈光示我猶同劍出匣看

君真是鳳鳴岡如開寶藏難枚舉似對琛羞必品嘗他日

禪林脩語錄百年文譽動扶桑。日本蘭隱馨上人携禪師慧鳳語錄號竹居清事至

中華求予印正余喜其立論弘博文采則麗讀之不能釋手賦近體五十六字以題其後庶表識鑒之不苟云守黑子書。竹居清事

天神 洪恕

日本曾聞北野君愛梅瀟洒又能文謫居西府三千里一夜飛香渡海雲。活所備忘錄

日本刀歌 唐順之 荆川

有客贈我日本刀魚鬚作靶青糸綆重重碧海浮渡來身上龍文雜藻荇悵然提刀起四顧白日高高天罔罔毛髮

隣交敬書初篇 卷之二 明 三十五 學本堂藏

凛冽生雞皮坐失炎蒸日方永聞說倭夷初鑄成幾歲埋
藏擲深井日淘月煉火氣盡一片凝冰鬪清冷持此月中
斫桂樹顧兔應知避光景倭夷塗刀用人血至今斑點誰
能整精靈長與刀相隨清宵恍見夷鬼影邇來韃韃頗驕
黠昨夜三關又聞警誰能將此向龍沙奔膽一斬單于頸
古來神物用有時且向囊中試韜穎詩中所言鍛刀之法可謂妄矣

楊伯翼贈日本刀歌

王穉登 百穀

揚郎手持一匣霜贈我拂拭生寒芒鉛刀紛紛空滿目君
與此鐔皆魚腸南金換却東夷鐵上帶倭奴髑髏血血未
曾消刃未平皎若蓮花浸秋月燈前細看鷓鴣鋒入手還
疑蛟與龍門外湖深恐飛去朱繩夜縛青芙蓉苔花爛斑
土花紫白虹沉沉卧寒水歸家不惜十年磨他日還能報
知己。列朝詩集

東光

李攀龍 于麟

胡兒平倭奴何不平倭奴利水戰海塹船為城諸軍設騎
士馳射難縱橫。滄溟集

海波平

并序

皇甫汈 子循

海波平者倭夷間覺辛壬癸甲殆無寧歲越丙辰司馬
胡宗憲受命與司空趙文華盪平之繫王直倖麻徐等
奏功太廟也當漢將進酒

島夷日本稱最雄，髡首駢拇烟兩瞳。乘舟截險洪濤中，跳
梁若蝶聚若蜂。揭竿烈炬耀日紅，攻城掠邑誰嬰鋒。紅女
休織田無農，帝命祀海惟司空。投脰秉鉞有胡公，狼兵苗
卒集江東。夜縱巨艦突蒙衝，倖海繫直奏膚功。兔窮鳥盡
艱厥終。

觀馮生所藏倭王錦袍歌

王志堅 淑士

馮生示我倭錦袍，腥風凜凜寒髮毛。天吳紫鳳恍惚是水
底鮫人親自縲，倭王昔日乘潮入箕子。城頭鬼夜泣道旁
瓦礫青珊瑚，茫茫衰草人膏濕。休徒暫住釜山塢，帳下健
兒弄餘武。鼎烹壯士似孤雛，稍掛嬰兒作旋舞。何人東征

擁貔貅，前茅初度遼海頭。咄哉奉使竟不效，抱頭竄却臨
淮侯。軍中誰復探虎穴，猛士如雲皆縮舌。馮生奮髯決獨
往，丈夫生計三尺鐵。當時清正首中雄，偏師坐擁千旗紅。
葛巾直往恣談笑，一言未畢意已通。夷國亦有天，夷人亦
有心。對君指心與君語，戴天願如滄海深。臨別殷勤重回
首，西望長途酌杯酒。征袍自解錦雲鮮，贈君剛及西風後。
歸來朝事一番變，諱却和戎盡言戰。征夫羽箭各垂腰，東
南轉餉車遙遙。兵連海外不可解，從此司農心計勞。馮生
趣駕歸田去，盡鑄腰鎌作農具。只今蹶蹶長安塵，姓名不
上論功疏。茅齋夜靜聞寒柝，聽君話舊燈花落。君不見錢

將軍夜半提師斫陣雲，功高不賞人所惜。鼠牙雀角何紛紛，世上難憑伸與屈。勸君且盡杯中物，鼎烹壯士，稍掛嬰兒，炊骨醢肉，彼邦俗所不能忍為我邦無此殘虐之風。列朝詩集。

○送朱均旺

許儀

難域萍蓬幾度秋，一朝分手作遐遊。慇懃囑付忠君事，盡

意叮嚀滅寇籌。知汝歸成蘇子景，豈宜逗做李陵愁。霜臺

君問塵中事，惟道斯民苦尚憂。許儀嘗來居薩摩時聞豐公伐明之舉陰陳機

密附均旺報其國事詳全浙兵制全浙兵制

清

日本刀歌

恭尹元孝

白日所出金鐵流，鐵之性剛金性柔。鑄為寶刀能屈伸，屈以防身伸殺人。星飛電激光離合，日華四射瞳瞳濕。陰風夜半刮面來，百萬愁魂鞘中泣。中原歲歲飛白羽，世人見刀皆不顧。為恩為怨知是誰，寶刀何罪逢君怒。為君晝盛威與儀，為君夜伏翹與魑。水中有蛟貫其頤，山中有虎抉其皮。以殺止殺，天下仁寶刀所願從。聖人之所不聞，記謬傳耳。徐氏筆精言軟倭刀事亦然。

日本刀歌

梁佩蘭

市中寶刀五尺許，市中賈人向予語紅毛鬼子來大洋，此刀得自日本王，王使紅毛預齋戒，三日授刀向刀拜，龍形虎視生氣驕，抽出天上星搖搖，黃蛇之珠嵌刀首，百寶刀環未曾有，有時黑夜白照人，殺人血漬紫繡新，陰晴不定刀氣色，風雷閃恠吼，墻壁相傳國王初鑄時，金生火尅合日期，鑄成魑魅魍魎伏，通國觸屨作人哭，人頭落地飛紙輕，水光在水鋪欲平，國王恃刀好戰伐，把刀一指震一國，紅毛得刀來廣州，大船經過海若愁，携出市中人不識，價取千金售不得，我聞此語空歎呼，兵者凶器胡為乎，中國之寶不在刀，請以此刀歸紅毛。

清詩別裁

廷上看日本刀

沈德潛 稿士

四座繞晴虹，名刀認海東。刃流霜氣白，光閃燭花紅。鍛鍊經夷島，飛騰泣鬼雄。時世方偃武，虛爾立邊功。

日本臣高彞書來乞作詩序，并寄詩五章，文采可觀，然華夷界限不應通也，却所請而紀其事。

全

文教覃敷被九夷，樽桑使者寄清辭。未聞蠻布弓衣織，敢比雞林國相知。尊奉中朝和忱悃，章明典禮慎防維。不教筆墨傳荒遠，悵望停雲我所師。

遠夷求文衡山筆墨者，公服朝服見之，不應其請。

高陽谷名彞，字君東，長崎人也。歸愚集。

疊韻家心行囊中千里鏡其先人海士先生日本携歸物也鑄人為家心作詩余亦成咏

邱璋

玩好區區也宿緣伴他書畫米家船青檀等是囊中物碧海猶來骨已仙袖底雲烟原縮地壺中日月自長天先人手澤須珍重風樹驚心我亦然。存研樓集

乙未端陽小咏一律似隱元老禪師政

鄭彩

宦逐行間三十年請纓弱冠晚仍堅因求杖錫聆三昧乃識津梁參又玄水月干戈皆彼岸風播罪劫等安禪何時

貝葉自東渡好把雲箋花雨懸。隆琦字隱元謚普照國師萬福寺開祖承應中投

化真書苑道萬福寺藏

俚詩寄贈悅山大和上八句法臘並請鑒政

毛奇齡 大可

黃蘗規模事事新扶桑寶旭照通津十年總住維摩室八日曾遊太子身海上譚經應作主座中念佛是何人滄茫不記來時路花落花開幾度春。西河居士毛奇齡八十五歲道宗字悅山萬福寺

僧隱元徒真書浪華津田氏藏

送菑公和尚應聘東坡并求喝政 二首

陳應麟 昌錫

錫卓卅年共吐奇，高標霽曉恰孤吹。蒲團坐養霸龜氣，玉塵間揮瘦鶴姿。祗為東坡稱弟子，競來名士送禪師。他時若憶滄洲暇，橋上池頭荷鋪隨。

霜帆萬里一孤舟，牽挽君應儘日留。尋夏地天同此恨，歲時風雨各含愁。論韻正好取狷座，別袂何須泣楚囚。最是相思不相見，鐘聲搗枕月窺樓。
寂傳字道本，號菴亭，又號竹林，享保中來寓瓊浦。

國人以詩送者三十九人，各自書為一小卷，有桃華潭水四題字，今載一人。真書平安三井氏藏。
題汪亦滄日本國神海編 三首 梁處素

貢院繁華繫客情，朝朝應辨幾番更。筵前只愛紅裙醉，拽盡何緣號撒羹。
貢院者，館唐人處也。佐酒者，號撒羹。

蠟油拭鬢膩鴉鬟，妾住花街任往還。那管吳兒心木石，我邦却有換心山。
妓所居處山名換心山。

十幅輕綃不用勾，倩園夜玉短屏幽。通宵學枕麻姑刺，好向床前聽鬪牛。
其俗以木為枕，號麻姑刺，直豎而不貼耳，故至老不聾。隨園詩話補遺。

日本竹枝詞 二首 尤洞 悔卷

日出天皇號至尊，五畿七道附庸臣。空傳歷代吾妻鏡，大閤終歸木下人。
隋時致書，自稱日出處天子，國中稱天皇，以尊為號，有五畿七道三島附庸國百餘人。為平秀吉萬曆中，篡奪倭國，自號大閤王。

吹螺揮扇舞刀都，聖鬢羅華知有無。乞得中原音韻本，也來弄筆咏西湖。
王子七歲，講聖鬢經，天雨曼陀羅華，使臣答里麻有咏西湖詩云：一株楊柳一枝花。

岸天教書刀篇 卷之二 清

國文舊書初篇卷之二

學本堂藏

原是唐朝賣酒家，惟有吾邦風土異，春深無處不桑麻，頗寓嘲笑之意。○豐公之事，大失事實，允篇中所言孟浪杜撰，不遑盡辨，解讀者察焉。昭代叢書

隣交徵書初篇卷之二終

天保九年歲次戊戌季冬仲澣新鑄



華正叢書刀書

卷之二

四十二

學本堂藏

陶文雀書初篇

卷之二

四

魯石堂

大梁... 辛... 竹...

